

貳臣傳

第一
五冊

貳臣傳卷之五

祖大壽列傳

祖大壽遼東人明泰昌元年官靖東營遊擊熊廷弼經畧遼東奏獎忠勤諸將大壽預焉天啟二年爲廣寧巡撫王化貞中軍遊擊我

太祖高皇帝克西平堡化貞令大壽同遊擊孫得功爲前鋒

赴援戰敗卻走平陽樓堡總兵劉渠祁秉忠副將劉徵叅將黑雲鶴等皆歿於陣得功乞降化貞棄廣寧遁大壽走覺華島大學士孫承宗督師薊遼以大壽

佐叅將金冠守覺華島尋令鳩築寧遠城大壽謂是
城終不能守築僅十一且疎薄不中程孫承宗欲以
此爲關外重鎮用叅政道袁崇煥議定高廣規制令
副將滿桂叅將高見質謙與大壽分督改築始竣事
六年我

朝兵圍寧遠穴地攻城大壽與袁崇煥嬰城力守令門
卒發西洋巨礮傷數百人我軍別趨覺華島斬金冠
殪士卒萬餘七年五月大壽同總兵馬桂尤世祿等
拒我軍於寧遠城外敗卻入城會溽暑我軍還崇禎

元年以崇煥督師薊遼擢大壽前鋒總兵掛征遼前鋒將軍印駐錦州二年我

太宗文

皇帝統師由喀喇沁之青城分入龍井關大安口遂

克遁化薄京師大壽隨崇煥由山海關薊州入衛莊烈帝召對慰勞之列營城東南拒戰時有因邊關失守京師受困歸咎於崇煥殺皮島帥毛文龍且誣其引敵協和將爲城下之盟者會我

朝

設間縱所獲太監還以袁巡撫私有成約告遂再召

對縛崇煥下獄大壽在旁股慄懼及旣出又聞滿桂

總統寧遠將卒不肯受節制卽引所部兵掠山海而東桂與總兵孫祖壽營永定門外爲我軍所破並戰死大壽初嘗坐法當斬承宗愛其才密令崇煥救解遂貰之大壽以故德二人至是承宗復督師遣人慰撫且以崇煥獄中手書招之大壽乃斂兵聽令三年正月大兵克永平下遷安灤州各留師鎮守承宗檄大壽率兵入關規復大壽遣諜入永平覘我兵多寡事覺斬于市四月大壽同總兵馬世龍陽肇副將祖大樂祖可法張洪謨劉天祿等襲灤州以巨礮擊毀

城樓我兵在城上及永平遵化遷安者皆不能守棄城出關而歸大青仍鎮錦州明年七月督關外八城兵役築城大凌河未訖工

太宗統師圍其城

諭從征貝勒大臣曰攻城恐士卒被傷不若掘濬以困之彼兵若出我則與戰外援若至我則迎擊

駕臨城南山岡

諭永平陣獲明將麻登雲黑雲龍曰善射精兵盡在此城他處無有也於是週列營掘濬盡克近城臺堡殲其出城樵

獲及偵者

諭大壽以書曰曩者朕心實欲講和聞爾等修築錦州城我因以書付爾使人寄爾言爾若不罷錦州城工我卽舉兵矣嗣獲爾偵卒我仍欲講和釋而遣歸爾竟不報我兵至燕京諄意致書欲圖和好爾國君臣惟以宋朝之事爲監亦無一言復我朕今厭兵革願太平更以書來惟將軍裁之越數日復

諭以書曰自古兩國搏兵不外戰與和二者今和議旣絕朕是以親率大兵深入幸遇將軍於此倘得傾心從我戰爭

之事我自任之運籌決勝惟望將軍指示益休戚與共富貴同享朕之素願今聞城內士卒馬匹死斃殆盡甚爲可惜惟將軍熟思而獨斷之勿惑衆言時明兵二千自松山赴援又錦州副將二叅將遊擊十卒兵六千至先後爲我兵擊敗遁去

太宗度大壽必期外援夾攻我師

親率侍衛設伏別遣營中廝卒執旗幟離城十里馳騁揚塵

聲礮不絕大壽果率衆出城奪西南隅一臺樹梯將登遇廂紅廂藍兩旂及蒙古諸營兵齊進奮擊又望

上率侍衛及護軍自山騰躍下始知墮計急收衆入城已爲我兵陣斬臺下者十七人中創死者百餘人自是閉城不敢勇旣而永平監軍太僕寺卿張春遵化總兵吳襄副將張吉甫滿庫王之敬等合步騎四萬赴援距城十五里

太宗親督師堂其營陣斬吉甫庫之敬殲其兵無算吳襄與副將祖大樂金國臣叅將祖邦林遊擊祖寬蒙古將桑噶爾寒等俱竄走春及副將張宏謨楊華徵薛大湖叅將姜新遊擊黃澤千總姜桂等皆就擒大壽在

城中聞鎗儼聲謂仍是設計誘之不遣一人出城中糧絕薪盡殺人爲食折骸而爨

太宗命

陣獲各官致書大壽招之降以姜桂齋往大壽偕衆

官出城見姜桂謂曰我寧死於此城不降也越三日

太宗復予

大壽及副將何可剛張存仁賈承武

諭曰姜桂還言爾等恐我殺

爾故招之

不從夫我國用兵宜

誅者誅宜宥者宥

旣寬宥忒加恩養爾等豈未之聞也我

非不能攻取

不能久駐但恐出海關以東智勇之士盡在

此城若殺爾等

於我何益可知與衆將軍共成大業故以

肝膈之言屢屢相勸意者爾等不願與我共事故出此支飾之言耶倘實欲共事可遣人來共從盟誓既盟之後復食其言不異

天地乎幸勿遲疑先是八月丁未大兵圍城至是十月乙丑幾又十月矣所獲小凌河至松山一路牲畜甚多又攻降魚子嶂臺所遺糧糗充積足供圍城步騎一月之需壕壘修築益堅大壽謀突圍出則防守嚴密一人不能逸援兵自外至者又皆敗遁計無所出

太宗復遣陣獲叅將姜新往招之大壽率衆官出城與揖見

乃令遊擊韓棟隨姜新詣

御營朝

見韓棟以軍容整暇嚴密防衛還白大壽大壽令其

從子祖澤洪以書繫矢射出城復以其養子祖可法
送大軍爲質邀副將石廷柱過壕親告以心腹語廷
柱過壕與語大壽曰人生豈有不死之理但爲國爲
家爲身三者並重今旣不能盡忠報國惟惜身命耳
若身雖獲全妻子不能相見生亦何益

上果能

不回軍

進圖

當設策先取錦州錦州得庶可保吾妻

子

復遣同巴克什達海往

我旣招降爾等復攻錦州恐我兵過勞爾等降後錦州或以力攻或以計取任爾等爲之不然爾等坐守城中我惟有駐兵圍困而已明日大壽令其中軍施大勇來代奏言降志已決欲令一人潛入錦州偵視倘被詰出虛實奈何或親率兵詐作逃走之狀何如悉惟

上裁是時城中各官皆同謀歸降獨何可剛不從大壽令二

人掖出城外投於大軍前遂遣副將四遊擊二齋誓書列大壽及副將劉天祿張存仁祖澤潤祖澤洪祖

可法曹恭誠韓大勲孫定遼裴國环陳邦選李雲鄧
長春劉毓英寶承武叅將吳良輔高光輝劉士英盛
忠祖澤遠胡宏先遊擊祖邦武施大勇夏得勝李一
忠劉良臣張可範蕭永祚韓棟段學孔張濂吳奉臣
方一元涂應乾成變武方獻可劉武元楊名世三十
餘人名言率衆歸降後若違心背盟則殃及其身死
於刀箭之下

太宗率諸貝勒莅盟

命巴克什庫爾禪龍什問大壽曰旣經盟誓

天地當用何策以取錦州大壽曰我卽親至商議

太宗復遣二臣

諭曰盟誓雖申民心未定今晚且勿來大壽曰事已定更何

疑遂親詣

御營是爲

本朝天聰五年十月戊辰也

上命諸員勒迎之一里外時初更將盡列炬以俟

上出幄大壽欲跪

上止之行抱見禮旣入幄

命坐于左設饌以金危酌酒

親授飲大壽曰願借

上酒奉獻遂酌酒跪獻

飲畢與語良久以

御用黑狐帽貂裘及金飾鞋帶等物

賜之

諭曰因在戎行携物無多不能以嘉物相贈大壽曰蒙

上優待如此雖至愚豈木石耶遂辭入城明日

上用大壽策

命貝勒等率八旗諸將及兵四千人俱作漢裝大壽率所屬兵三百五十人以二更起行趨錦州礮聲不絕爲大凌河城中人哭圍奔還狀會大霧人覲面不相識軍皆失隊伍各收兵而還十一月庚午朔

諭諸貝勒曰朕思與其留大壽於我國不如縱入錦州令其獻城爲我效力卽彼叛而不來亦非我意料不及而誤遣也彼一身耳叛亦聽之若不縱之使往倘明國別令人據守錦州則事難圖矣今縱還大壽一人而携其子姪及諸將士以歸厚加恩養再圖進取庶幾有益乃遣人傳